

# Timotire Quraŋ 2

## Polji Timotire Quraŋ ruame 2 fukeya.

### Mimitaniŋ

Polji igokoine eru jeŋoŋ ogo babapiine Timotire “Gema uŋsowoŋ buŋone tatariine otebemiŋ,” miku Biŋe Quraŋ yo quraŋgaya. Buŋo buruine qoruine oi oroiŋere yameŋyameŋ. Polji oi mitaniŋgaru maŋine kitiŋgaku uŋsowoŋine iŋi oteru quraŋgaya: Timoti goji damaŋ so dimaku Yesu Kristore fuŋne kitiŋgaku miku goigoŋ. Bobiaŋ Biŋe eru Jojofo Buru Raŋgbaine manege, oi qakatoru ore buŋoine foriine yobu oi ŋiŋigo qaji yareru maŋbapakare gio baeigoŋ. Kiso eru garebi joiserereŋ fuŋne bofukeru manenoŋ ine, jibu Anutuji gio gareya ore so oi yameŋ keku baeigoŋ.

Polji siŋaŋ bobo buŋo sananiŋe Timoti iŋi oteya: Goineji “qaqouma paiineo kekepari omaine eru kajeboji eegobi” goji ore buŋoo roperu damaŋgo bojigojibugaru egu sibirigaiŋ. Kekepari buŋo oŋuine oiji ŋiŋigo so yobu bapi yabeegobiyoŋ, ŋiŋigo kaje ruaru maneegobi oi bosembe yabeko sibiriganimiŋ.

Polji uŋsowoŋ buŋoine sosowo kitiŋ gaiŋgo ore iŋoyoŋere gogore binaŋ quraŋgaya. Wamore uruŋu gio buruine ruaru jigo qaku goya, Timotiji ore buŋoine egu niga gaiŋ ore oi iŋi mitaniŋgaya, “Nonji Yesu manesiŋ garu yobiŋ maneku karieru maŋjijojoko eru goboŋ. Kekesuesue enarebi joiserereŋ maneru yameŋ keku sananiŋgaru dimaboŋ.”

### Buk yoore mobe qoruine 5 oi iŋi:

Buŋo fuŋfuŋgaine 1.1-2

Anutu miteŋ gaku Timoti uŋsowoŋ oteya 1.3–2.13

Kajeqouŋ eru siŋaŋ bobo buŋo goine 2.14–4.5

Pol poreru qoimo etebi goya 4.6-18

Qurande buŋo koruŋ qoruine 4.19-22

**1** <sup>1</sup> Anutu maŋ aŋiineji mitigaru Pol noŋ igodoŋ nuko Kristo Yesure aposol fukego. Kristo Yesuke qakatoru dimabeneŋ gogo sananiŋe

noreiŋ ore buŋoine kipeya ore Biŋe buŋoine mitaniŋgabemiŋ ore sore nume gogo.

<sup>2</sup>Timoti goji mamesinde yoro madene fukege. Nonji goke buŋo mimane enimi ore quraŋ yo quraŋgago.

Mamanoŋuŋ Anutu eru Ofonŋoŋuŋ Kristo Yesu, yokoji ŋonemaiŋ yaunmoriri garebire womoo goigoŋ.<sup>a</sup>

### Polji Timoti maŋine kitingaku buŋo miya.

<sup>3</sup>Nonde apa ŋasopuneji Anutu kiŋaŋ qateku gobi nonji jikigaru gioine babe Anutuji “Ŋone gube sagaga,” najime maŋkajeneo oŋu maneege. Maŋne gbagbataeŋine fukeko Anutu miteŋ gaego. Miteŋ garu una ubu oŋga wosiru go jijiki manesu guego. <sup>4</sup>Boke gube kuyomeŋ jiŋo obugo wakiya, nonji oi manesuku ŋone gubemiŋ ore aŋine sogo maneru yameŋ keego. Ŋone guru aŋibaŋi ŋebire jeribariji maŋne puseiŋgo ore manego.

<sup>5</sup>Goji kikoine tomiri ofori Yesu manesiŋ garu goge, buŋo oi maŋ yoroneo peko manesuego. Rone abugo Lois eru maŋgogo Yunis yokoji maŋyakuŋ kerisiebire mamesiniyakunji fukeya. Yokore ŋadiyakunŋo goji oŋuakoŋ eru goge, oi manesiŋ sanangago.<sup>b</sup>

<sup>6</sup>Ore eru nomeniga egu gomiŋ ore buŋo iŋi kegboreru gajigo: Nonji rone mene qorugoo ruaru oŋga wosibe Anutuji gio bobore mamane yaun gareko maŋgoo pega, oi bogborende jo boruŋ oŋuine sanangaru jaku so eleleŋ eiŋ. <sup>7</sup>Buŋo yo manesuigoŋ: Anutuji Moro Tiriine oi ruruine ruaru sombunoŋuŋ manekimiŋ ore matayoŋ, iŋoyoŋunde usunde Moro noreko soine maŋnoŋunji jojoko nadunŋaduŋ eku eebobonoŋuŋ poretiŋ sisiŋaŋ eeku dimainebeneŋ.

<sup>8</sup>Ore eru Ofonŋoŋunde buŋo kitingaku misaueiŋgo etaŋqataŋ so eiŋoŋ. Oŋu matayoŋ, noŋ oŋuine fukeru goigoŋ. Nonji Ofonde gio baku gokabe ore eru witi pigo ruabi ŋegoyoŋ, jibu nonde eru mimi so maneru goigoŋ. Go sanangaru noŋ oŋuine koimo dimaku mande gio baku goigoŋ. Bobiaŋ Biŋere eru igosisi egarenobuŋ ine, ore joiserereŋ maneku karieru osigaru goigoŋ. Anutuji usuŋ gareega ore so oi soine noke moko yameŋ keku osigaru gonimi.

<sup>9</sup>Anutuji ronere ronekoŋgo Sombuŋ moreŋ so bofuke yaperu damaŋ oo noŋunde manesuku buru iŋi ruaya: Anutuji Kristo Yesure eru yaunmoriri noreiŋ. Buru oi ruame peko go waperu gobi noŋuŋ fukebeneŋ. Fukebeneŋ Anutuji noŋuŋ iŋore biŋe fukeru gbagbataeŋine gokimiŋ ore oŋga noreru munaŋ qa noreya. Noŋuŋnoŋe ya fiine babeŋ ore eru so roosoe noberu oŋga noreyayoŋ, iŋoyoŋunde buru raŋgbaŋine oi boyoberu dimaku oo oŋga noreya. <sup>10</sup>Buru raŋgbaŋine ore foriine oi damaŋ yoo totogo fukeya. Munaŋqoqo Raunoŋunji fukeru Anuture yaunmoriri kese noreya. Kristo

<sup>a</sup> 1.2 Apo 16.1    <sup>b</sup> 1.5 Apo 16.1

Yesuji fukeru komere usuj qaku bawakiru rakame Bobian Biņeine barariņa noreko tamaeya. Biņe buņo oi manesiņ garu soine gogo sanariņine bofukeru tatariine tomiri sanarņgaru goku damarņ mogo so kome sanariņine so komekiminij.

<sup>11</sup> Anutuji noņ Bobian Biņe mitaniņgaru riņigigo qaji yarebemiņ ore igodon nuko sosore ri aposol fukego.<sup>c</sup> <sup>12</sup> Aposol fukego ore eru gioine sanarņgaru babe goineji igosisi narebi joiserereņ maneego. Sombuņ Ri manesiņ gaego, nonji iņore fuņne fiine akoņ mane mukugo. Ore eru koimo dimaku mimi so maneego. Mata yobu! Anutuji manesiņ nuru Biņe gioine noreya ore so noņ siņarņ nuiņ ore sanarņgaru goga, oi mane mukugo. Oņu mane mukube gioineji so jibugaru wakiko go roperu damarņ yasogoo ropekiminij. Oņu manesiņ garu ore eru maņyoyoka so ego. <sup>13</sup> Mamanesinde buņo oi maņnoņuņ bobianarņaiņ ore so fukega, nonji buņo foriine oi qaji gareru mosi fiine gaduru gobonj. Oi maņ kiniņgoo ruaru oņuakoņ boyoberu goigonj. Niņo Kristo Yesuke qakatoru moko dimabeneņ manjoko enoreega, goji manjoko ore maņineo goigonj.

<sup>14</sup> Anutuji riņone guru manesiņ guru ya fiine sosowo gareko biņego fukega, oiji egu bokende jibugaraiņ ore oi siņarņ garu goigonj. Moro Tiriineji maņnoņuņgo goga iņore usuj paiineo ya foriine oi poretiņ siņarņ gande peine.

<sup>15</sup> Eisia prowinsre muraņpune yoņoji sosowo boke nuru riadi nubi, oi manege. Ri tinayakuņ Figelus eru Hermogenes yokoji yoņore botugo gogobire. <sup>16</sup> Goineji boke nubunyoņ, Onesiforus iņoji mata. Ore eru Ofonj, go Onesiforusre garikiņpu riņemaiņ eyarende goniminij. Ri oiji nonde gbedinere (nigiņ) mimi so enaregayonj, damarņ kokoine oo beufi enareko maņne waigo eya. <sup>17</sup> Onesiforusji Rom sitio yoo waperu damarņ oo akoņ nonde yameņ keku baaru goku bofuke nuya. <sup>18</sup> Iriņoji rone Efesus sitio uruņu babapi yasogo kokoine eru baku afaga nuru goya, oi gogake soine mane mukuge. Ore eru damarņ yasogoo Ofonj goyonjineo ropebeneņ Onesiforusji riņemainde furi bofukeiņ ore oņga wosigo. Oņu.

### Kristo Yesure eru jigo qaku goigonj.

**2** <sup>1</sup> O maņkekerisie madene Timoti, go Kristo Yesuke qakatoru yaunmoriri maņgo qiri keru sanarņgaru dimaigonj. <sup>2</sup> Nonji Biņe buņo qaji garebe kokoineji riņone nuru kitiņgaku mibi manende, oi riņigigo manesiņ yabeniminij ore so fukegobi, yoņore biņe eiņ ore yareigonj. Oņu yarende peko soine riņigigo goine jikigaru qaji yareniminij ore so fukeinebi.

<sup>3</sup> O Timoti, go Kristo Yesuke dimaku iņore mamari ri kuririgoke fukeru yameņ keku sanarņgaru jigo qaku goigonj. Igosisi egareniminij, ore joiserereņine maneru karieru osigaru goigonj. <sup>4</sup> Mamari riņire kamasiine oi

<sup>c</sup> 1.11 1 Tim 2.7

inji: Mamari siŋaŋ qoruyanunji ŋi oga yabeko mamari kubure buruo roperu ra wareru gio damaŋ so baku gogobi, yoŋoji sosowo siŋaŋyanunji mitigaega ore so reŋgaru enimiŋ ore jaueru dimagobi. Oŋu dimaku yoŋoyanunde gogore kikitin ore ya mo so baku gogobi. Manji roroŋ so gogobi.

<sup>5</sup>Ore soso buŋo mo oi inji: Masiri ŋji sisirio roperu mimiti siŋaŋinere buŋo odureru kosa giniŋgaru raga, iŋoji kuririineke so fukeiŋ. Injore qoruineo gbiŋ eere hendiŋ mo so ketebi rakaiŋ. Ore eru go poretiŋ akon raigoŋ. <sup>6</sup>Oŋuakon sasari ŋji gio yasogo bame foriine fukeko bonieru raru mine baku noko sagaiŋ. Goineji wiriebuŋ, yoŋoji injore ŋadio warenimiŋ. Go ore so sananŋaru gio baku goigoŋ. <sup>7</sup>Buŋo quraŋgago, oi osegaru maneru yobiŋgande Ofonji maŋgboroŋ gareko oi sosowo soine mane taniŋgaigoŋ. Ore eru oi maŋ kiniŋgoo ruaru manesuku goigoŋ.

<sup>8</sup>Yesu Kristo manesuku goigoŋ. Nonji Bobiaŋ Biŋe mitaniŋgaego, Yesuji buŋo ore so kiŋ Deiwid osigidaine fukeru Munanqoqo Rauine fukeko Anutuji bogboreme komegone pakereya.

<sup>9</sup>Nonji Bobiaŋ Biŋe buŋo oi yameŋ keku mitaniŋgaru igosisire joiserereŋine manebe suroŋqoqo ŋi oŋuine niŋinji kipe nubi ŋego. Oŋu ŋegoyon, Anuture Biŋe buŋo oi so niŋiŋgaru kipebuŋ. <sup>10</sup>Fuŋine ore eru nonji joiserereŋ sosowo maneru karieru sananŋaru dimago. Anutuji ŋiŋigo iŋoyonunde roosoe yabeya, nonji yoŋore eru yameŋ keku jigo qaku gogo. Kristo Yesuji munan qa yareko yoŋoji oŋuakon qowirieru seŋgiŋbaŋgiŋ fukeniŋ ore manego. Maŋyanuŋ kerisieru gonimiŋ ine, Sombunde kuririquraŋgo roperu tatariine tomiri sananŋaru go ropenimiŋ. <sup>11</sup>Buŋo yo sanan qanqanine fukega:

“Noŋuŋ maŋnoŋuŋ raŋgbaineji iŋoke moko komeko gogobeneŋ ine, oŋuakon iŋoke sananŋaru gokimiŋ.

<sup>12</sup>Iŋoke moko joiserereŋ maneru karieru gogobeneŋ ine, oŋuakon injore qorumaŋ maŋgo iŋoke siŋaŋyayabe gio bakimiŋ.

Noŋuŋ iŋo mugagobeneŋ ine, iŋoji oŋuakon muga noberu ŋone noberu takigaiŋ.<sup>d</sup>

<sup>13</sup>Noŋuŋ ŋadi gatebeneŋ geoine bokirie noreiŋgo ore buŋo kipeme pega, iŋoji oi kepieiŋgo ore embimbiŋgaiŋ.

Mitiŋbotiŋ eru iŋoyonunde fuŋne qopieŋgo ore mosobofukeega.

Ore eru etaŋqataŋ eru buŋonoŋuŋ gbeŋ akon so boyobekimiŋ ine, iŋoji jibu (poretiŋ dimaku) buŋoine damaŋ so boyoberu ore so enoreiŋ.” Oŋu.

#### **Anuture Biŋe giore ŋiine inji fukeru goigoŋ:**

<sup>14</sup>O Timoti, buŋo yo egu niga guiŋ ore oi mi gboreru eyareru Anuture jiŋo maio inji mitiga yareru goigoŋ: Mamanesinde buŋo maru fuŋne

<sup>d</sup> 2.12 Mat 10.33; Luk 12.9

fuŋne oi babokiriru gbedigaru so osoeru dimainebi. Mikoboboji so yobu bapi nobeegayoŋ, goineji noigoi buŋo oŋuine maneru bobojibu fukebuŋ mamanesiŋyaŋunji jibugame egu sibiriganimiŋ. <sup>15</sup>Goji Biŋe giore baesoi fuŋne fuŋne oi gbiŋ ruande Anutuji ŋone guru “Sagage,” miŋ ore yameŋ keku dimaiŋoŋ. Go Kristore giore mimigo so maneru goigoŋyoŋ, Biŋe buŋo foriine poretiŋ boroŋgaru manyaŋuŋ bapakare yaberu goigoŋ.

<sup>16</sup>Morende buŋo mitomi omaine omaine oi bio yoberu ŋadi gaigoŋ. Goineji oi misaueku goku oŋuine oo morende aŋŋiŋineo qakatoru Anutu jikigaru qaŋouma eru witijibu eegobi. <sup>17</sup>Wi sanaŋine (tinaine kensa) oiji saki fuyaŋuŋ siriineke qaku kime sogueru raega, yoŋoji ore so buŋo omaine miku oiji ŋiŋigo bosembea yareegobi. Yoŋore kubuone ŋi yoyoka tinayakuŋ Himeneus eru Filetus gogobire. <sup>18</sup>Yokoji buŋo foriinere fuŋne bokero tiŋtuŋ qaku buŋo rekaine iŋi miegobire, “Maŋkekerisie ŋiŋigo noŋuŋ gboreru pakareru gogobeneŋ. Ore eru jiki komegone moke so gboreru pakerekimiŋ.” Oŋu miku goine bojiqojibu eyarebire mamanesiŋyaŋunji sembeaega.

<sup>19</sup>Oŋu sembeaegayoŋ, Anutuji otuŋ sanaŋ qaŋqaŋine ureya oiji jibu so pariru dimaga. Ore mogeine oi iŋi quraŋgabi pega, “Ofonji iŋoyoŋere biŋe fukegobi, oi mane muku yabega.” Mogeine mo oi iŋi, “Iŋiŋigo Ofonde tina roru oŋgaegobi, sosowo yoŋoji bio eebobo sembene qa yoberu goinebi.”<sup>e</sup>

<sup>20</sup>Pi soguine oo jua, dero, pere, gomba, qajagu fuŋne fuŋne pega. Goine yoji eru afe morenji bakine, oi damaŋ so roru gioo ruaegobeneŋ. Goine goul eru silwaji bakine. Kuririyaŋuŋke oŋuine oi jeri damaŋineo akoŋ gioo ruaegobeneŋ. <sup>21</sup>Ore so moji buŋo omaine bokero iŋoyoŋe kekeririke eega, iŋoji dero goulji bakine oŋuine fukeiŋ. Rauineji oi roru gio kuririinekeo ruame baeiŋ. Oi bako touŋmoririineke fukeme Soguneineji iŋore jerieeiŋ. Anutuji bagbagbaga gume qembibiineke dimaku gio fiine sosowo baiŋgo jaueru dimaiŋ.

<sup>22</sup>Jeŋoŋ gogore aŋi sanaŋine sembeneji egu siŋaŋ guiŋ ore go sisiŋaŋ eku goigoŋ. (Giogore foriji egu wakiŋ ore oi migo.) Eesoigo pore guegobi, oi bio use teru ŋadi qaku gogo yo oŋuine goiŋgo yameŋ keku goigoŋ: Iŋiŋigo maŋ gbagbataeŋinere paio Ofon bapi yabeiŋ ore oŋgaegobi yoŋoke eebobo poretiŋ boyoberu Anutu poretiŋ manesiŋ garu fofori manji jojoko naduŋgadun eku womoo goinebi.

<sup>23</sup>Goineji kajeboji buŋo mitomi miku noigoi migobobo ebi kekepari fukeega, oi fofori manege. Ore eru oi bio yoberu ŋadi gaku goigoŋ.

<sup>24</sup>Ofonde gio bobo ŋi fukega, iŋoji kekepari baiŋ ore so matayoŋ, ŋiŋigo sosowo waigo paiineo eyareku afagaru qaji yareru goigoŋ. Sisiri etebi oi sanaŋgaru maneku kariaru goigoŋ. <sup>25</sup>Goineji kiso etebi

<sup>e</sup> 2.19 Jare 16.5

oi soine maŋwomo paiineo qodureku botiŋ yabeeigot. Onu eyareko Anutuji maŋyaŋuŋ bowirieke soine Biŋe buŋo mane mukuru maŋyaŋuŋ kerisienobuŋ. <sup>26</sup>Kiso ŋiŋigo yoŋoji Sembene Rauinere suba bitiŋgo odetaribi niŋiŋgame miine reŋgaru eegobi. Onu eru maŋyaŋuŋ untome maŋ mamanesuyaŋuŋ fukeko Sembene Rauinere niŋiŋ gbedione keŋgoroŋgaru wakinobuŋ. Onu.

**Damaŋ tatariineo gogo sembearu wuwunuŋineke fukeiŋ.**

**3** <sup>1</sup>Buŋo koruŋ yo mane mukuru goigot: Yesu wawarere damaŋji bembegako ŋiŋigo fuŋneyaŋunji sembeako tatariineo gogo bibiineke iŋi fukeiŋ; <sup>2</sup>Ŋiŋigotji yoŋoyaŋunde akot manesuku monet ya roku roinŋo ore ebu (greed) eenimiŋ. Sakiyaŋuŋ miteŋ gaku qorua otuine toyaŋuŋ qoromureru sigopou goku maŋqoqo buŋo fofoine kosa mienimiŋ. Maŋgo mamapuyaŋuŋ yoŋore mi so reŋgaru ya fiinere daŋge so miku nayaqaya (nomenika) eenimiŋ. Anuture keta eru qaqouma eenimiŋ.

<sup>3</sup>“Ŋoyoyunde yobiŋ,” miku beusembe mamane so eenimiŋ. Goine yoŋore agiburaŋ so bokeru ore maŋsembeine osigaenimiŋ. Ŋadiqoqo buŋo kisoŋgaru miku yoŋoyotŋe so sisiŋaŋ eku ŋiŋigo poreru qaimo eyareenimiŋ. Eebobo fiinere taki yabeme useenimiŋ.

<sup>4</sup>Babae baku yoŋoyaŋunde aŋi boyoberu qaŋgoqasa qaenimiŋ. Sigopou goku jauba-irinbirinji maŋyaŋuŋ puteme maŋjo eenimiŋ. Saki fure aŋi jeriyaŋuŋ ore aŋi kokoine maneru Anuture manebi wawakiine fukeme qaŋaŋine oobe ruaenimiŋ. <sup>5</sup>Anuture Biŋe gio mobeine sowo osigaru keoma eru Sonda buru kosa boyoberu gbedigaegobiyot, eeboboyaŋunji Anuture usuŋ oi kikirangaŋgaru mugaegobi. Ŋiŋigo otuine oi ruge ruaru use teru ŋadi yaberu goigot. <sup>6</sup>Yoŋoreone goineji kosa roregaru ŋiŋigo piyaŋuŋgo roperu buŋo jijiji midobodo eyareku kajeyaŋuŋ qofonŋaegobi. Kajeyaŋuŋ qofonŋabi ŋigo goineji wirieru yoŋoreo qakatoegobi. Ŋigo agiburaŋyaŋunde mimire eru waki yabeko aŋiyaŋuŋ sanaŋine fuŋne fuŋne oiji yoro-ohe eyarebi jijibu egobi, yoŋoji oi qaŋge serot manera baku qukarieru yabebi buŋore bitiŋyaŋuŋgo waki yabeega.

<sup>7</sup>Ŋigo otuine yoŋoji mane yobiŋgaru jijiki buŋo qaji yarenimiŋ ore gbedigaru maneegobiyot, Biŋe buŋo foriinere fuŋne oi damaŋ so mane mukuiŋgo embimbiŋaegobi. <sup>8</sup>Ijpt kantrire riubobo ŋi tinayakuŋ Janes eru Jambres yokoji Moses kiso etebu. Ŋiŋigo qaqaŋibuine yoŋoji yokore so Biŋe buŋo foriinere kiso eegobi. Ŋiŋigo otuine yoŋore mamaneji jibugame witijibu fukegobi, oi Anutuji mamanesiyaŋuŋ baesoi bako waki yabeko Ofonke didimayaŋunji gbaŋiŋ.<sup>f</sup>

<sup>9</sup>Damaŋ pomponŋine sakiyaŋuŋ ba ropeenimiŋyot, gioyaŋunde fori oi damaŋ so joroko jaŋgaru mataeiŋ. Ijpt ŋi yokore fuŋne totogo fukeya,

<sup>f</sup> 3.8 Eks 7.11

yoŋore witijibure fuŋneji ore so totogo fukeko ŋiŋigo sosowoji oi ŋone mukunimiŋ. Oŋu.

### Polre mimiti buŋo tatariine

<sup>10</sup>Yoŋoreo oŋu fukeiŋyoŋ, nonji gogonere moge furuine igodonŋaru buru ruaboŋ. Ŋiŋigo Biŋe buŋo qaji yareru eebobone eba eku gobon, goji oi ŋoneru mane forege. Gogonere moge boyoberu mamesinde kekegbore gio damaŋ so baku joiserereŋ maneku karieru gobon, ore binaŋine miku mibi mane sarigage. Maŋkekerisie ogopune maŋneji jojoko eyareru gobon. Kiso eku igosisi enarebi oo yameŋ keku sanaŋgaru dimaku gobon. <sup>11</sup>Kekesuesue sisikoŋkoŋ fuŋne fuŋne enareku gobuŋ, oi manege. Antiokia, Aikoniam eru Listra taonŋ yokaomo oo joiserereŋ nonde paio ropeko koŋkoŋ maneboŋ, oi ya mimiine fukeya. Yei, mamagore sia! Igosisi maneku karieru osigaru gobonŋyoŋ, Ofonji oi sosowo oone bomuku nuya.<sup>8</sup>

<sup>12</sup>Buŋo yo maneigoŋ: Ŋiŋigo Kristo Yesuke qakatoru dimaku gogo sanaŋine goku ore kekegbore gio baiŋgo maneegobi, oi sosowoji kekesuesue bofukeniŋi. Noŋ igosisi enarebuŋ, ine, goine ŋoŋo oŋuakoŋ eŋarenimiŋ. <sup>13</sup>Riubobo ŋiŋigo sembene Biŋe gio sasaki baku mumutu qaegobi, yoŋoji jikigaru sembeqambearu gonimiŋ. Yoŋoji ŋiŋigo goine eadu yareru yoŋoyoŋe oŋuakoŋ eadu ee eku gonimiŋ.

<sup>14</sup>Yoŋoji oŋu gonimiŋyoŋ, Timoti go Biŋe buŋo foriine maneru maŋ wombunŋoo ruaru maŋyoka tomiri manesiŋ gage, oo jikigaru qiŋ keru dimaku sanaŋgaru goigoŋ. Uri yoŋoji qaji garebuŋ, go yoŋore fuŋne mane mukuge. Oi manesiŋ yabege ore eru Biŋe buŋo gbeŋ roru so gbaŋiru bokeigoŋ. <sup>15</sup>Maŋkekerisiere Biŋe Quraŋ Tiriine oi gbiegoone akoŋ mane sarigaru go wapemeŋ. Go oi oseru manesunde maŋgboroŋgo tamaeko ore paiineo dimaku Munaŋqoqo Rauinere fuŋne mane taniŋgamiŋ. Oi mane taniŋgaru Kristo Yesu manesiŋ gande munaŋ qa gareko jikigaru qowirieru goigoŋ.

<sup>16</sup>Anutuji Biŋe Qurande buŋo sosowo oi ŋiŋigo goine boburo yabeko quraŋgabi iŋi bobiaŋ nobeiŋ ore pega: Oi osebeneŋ Anutuji maŋnoŋuŋ boburoru kadi foriine qaji noreru sembenenoŋunde ore kane noberu botiŋ nobeega eru gogo posiine gokiminde kajeqouŋ enoreru kegbore noreega. <sup>17</sup>Anuture ŋiŋigo noŋuŋ oi oseru kegboreru Anuture mire so sanaŋgaru kuririnoŋuŋke fukeru gio fiine sosowo bakimiŋ ore jaueru gokimiŋ. Oŋu.

### Polji gioine igokoine Timotire paio ruaya.

**4** <sup>1</sup>Kiŋ Ofonŋonoŋuŋ Kristo Yesuji fukeru jiŋoke gokimiŋ, me komeru pekimiŋ noŋunde buŋo osoeru mitariku goine noŋuŋ qorumanjineo

<sup>8</sup> 3.11 Apo 13.14-52; 14.1-7, 8-20

ruaru siŋaŋ nobeiŋ. Nonji Yesu oi eru Anutu yokore jiŋo maio dimaku go mande gio bamiŋgo ore mitiga garego. Oi boyobeiŋgo miku buŋo oi mimipaŋ buŋoji kipende manebe sagaiŋ.

<sup>2</sup>Iŋi mitiga garego: Goji Biŋe buŋo miku ŋiŋigo maŋyaŋuŋ bapakare yaberu goigoŋ. Manenimiŋ ore damaŋinere manebi sagaga me so sagaga, jibu yameŋ keku pakareru buŋo mitaŋgaru goigoŋ. Ŋiŋigo seiŋyaŋunde ore miyareru botiqotiŋgaru siŋaŋ bobo buŋo miku mande buŋo yajiku goigoŋ. Buŋogo manenimiŋ me so manenimiŋ, oi jibu maneku kariŋeru dimaku kadi foriine damaŋ so qaji yareru goigoŋ.

<sup>3</sup>Noŋuŋ mamanesinde buŋo damaŋ yoo ŋiŋigo fianimiŋ ore qaji yareegobeneŋyoŋ, damaŋ mo wareru fukeme oo mamanesinde buŋo mobeine mo egu manenimiŋ ore useru kajeyaŋuŋ kebojinimiŋ. Buŋo furuine furuine manenimiŋ ore kajeyaŋuŋ joroko ŋire ŋi boakoŋ yobu furu yabebi wareru ŋiŋigo buŋo oi me oi maneniminde aŋi manenimiŋ, ore so qaji yarebi gonimiŋ.

<sup>4</sup>Oŋu goku Biŋe buŋo foriine egu manenimiŋ ore qaqouma eru kajeyaŋuŋ kebojiru nemu saiŋ kosa miegobi, yoŋore obe kirieru kaje ruaru maneru gonimiŋ. <sup>5</sup>Gogo oŋu me oŋu qopieru fukeiŋ, Timoti go jibu qiŋ keru sananŋaru dimaku eebobogo poretiŋ sisiŋaŋ eeku goigoŋ. Sisiri egarenimiŋ, ore joiserereŋine maneru kariŋeru osigaru goigoŋ. Maŋbapakare (ewanjeliŋ) ŋire gio buru oi sagaru sosowo ba foreigoŋ.

<sup>6</sup>Damaŋ joroine bapi gubemiŋ ore embimbiŋgabemiŋ ore oŋu migo. Nemu gboŋ miteŋ gakimiŋ ore joma qaku korogo ruaru rigabi jukondunji ropeeya. Ore so nonji gogone Anuture eru kisiŋgaru gioine baku goboiŋ ore gawman yoŋoji buŋone kipebi nakenere dari kesebeminde damaŋne bombenŋago. Moreŋ yo bokebeminde damaŋji bio wareru fukeiŋgo bembenŋaru wareme manego.

<sup>7</sup>Masiri ŋiji sisiri damaŋineo gbiŋ eiŋgo ore tobiriine sosowo qojugaru giŋiŋgaru raga, nonji ore so mamanesiŋ kegboreru sisiri kuririineke eforego. Kristo manesiŋ garu miine reŋgabemiŋ ore buŋo miku kipeboŋ, oi so kesonŋaru mugaboŋyoŋ, ore jigoine damaŋ so sananŋaru qaku goboiŋ.

<sup>8</sup>Ofoŋji mimitari Rauine poretiŋ fukeru gogone osoeru posiine fukeru goboiŋ, ore hendiŋ boteine oi mitari nareme nonde odi nuru pega. Ofoŋji kirieru wareiŋ damaŋ oo oi nareku ubeneo keme rakako tinabiŋeneke fukebemiŋ. Oi noŋ akoŋ so nareiŋyoŋ, ŋiŋigo maŋji jojoko eteru moke fukeiŋ ore odigaegobi, oi yoŋore ubeo oŋuakoŋ keme raka eyareiŋ. Oŋu.

### **Ogopuneji boke nuru siŋsaŋ rabuŋ.**

<sup>9-10</sup>Damaŋ yoo morende eebobo eba eegobi, muraŋne Demas iŋoji maŋine eebobo oo kiperu boke nuru Tesalonaika sitio raya. Ogone Kresens iŋoji Galesia prowinsgo raya. Taitusji Dalmesia moreŋgo raya.



Ore eru go pipa nondeo wareiŋgo yameŋ keigoŋ.<sup>h</sup> <sup>11</sup>Luk iŋoji iŋoyoye akoy noke gogobere. Makji kiŋaŋ qa nareŋ ore kokoine maneru iŋore embimbiŋgago. Ore eru Mak ogagaru moko warenimi.<sup>i</sup> <sup>12</sup>Ogone Tikikus sorebe Efesus sitio raya.<sup>j</sup> <sup>13</sup>Troas taonŋo goku marikune ŋi tinaine Karpus iŋore pigo bokeboŋ, oi roru wareigoŋ. Oŋuakoŋ quraŋ lama sakiineo quraŋgaru poporiŋgabuy, nonde lama sakiine oi yameŋ keku roigoŋ eru ore ŋadio buk goine oi oŋuakoŋ roru wareigoŋ.<sup>k</sup>

<sup>14</sup>Aleksander, silwa aeŋ rigaru babakatore ŋi manege, iŋoji sembene fuŋne fuŋne kokoine enareku goya. Ofonji eeboboine osoeru ore so geoine bokirieme paiineo ropeko joiserereŋ maneŋ, oi manego.<sup>l</sup> <sup>15</sup>Iŋoji buŋonoŋunde kokoine kiso enoreru goya. Ore eru go oŋuakoŋ iŋore sisiŋaŋ eku goigoŋ.

<sup>16</sup>Ate fuŋfuŋgaine qoqodure buŋo koro qoruineo rua nubi buŋone tife mibe moji mo so wareru noŋ kitŋi nuru miyayoye, ogopune sosowo yoŋoji totieru boke nubuy. Anutuji agiburayayayuy ore tife paiyayuygo egu ruaiŋ ore oŋga wosigo.

<sup>17</sup>Yoŋoji boke nubuyoye, Ofonji bapi nuya. Nonji Biŋe buŋo miku ŋiŋigo maŋ bapakare yaberu gio oi sosowo ba forebemiŋ ore eru basanaŋ nuya. Kantri sosowo yoŋoji Biŋe oi manenimiŋ ore maneru bapi nuru laion rigaŋine yoŋore mi siroŋyayuygo egu boke nunimiŋ ore sabareku miyayuygone bomuku nuko wakiboŋ.

<sup>18</sup>Ofonji sembene fuŋne fuŋne egu banarenimiŋ ore bomuku nuko soine Sombuy qorumaŋinere maŋgo paibe ropebemiŋ. Ofonde tina jijiki miteŋ gagobeneŋ damaŋ tatariine tomiri kuririineke fukeru pe ropeiŋ. Buŋo oi foriine.

### Momojo buŋo tatariine

<sup>19</sup>Go nonde momojo Prisila eru ŋoeine Akwila yokore eru Onesiforusre garikiŋpu yoŋore minde maneinebi.<sup>m</sup> <sup>20</sup>Ogone Erastus bokebe Korint sitio goga. Trofimus oi Miletus sitio bokebe jibe bame pega.<sup>n</sup> <sup>21</sup>Ore eru kueyoiko damaŋ so wareme rurumaŋineo yoo nondeo wareiŋgo yameŋ keigoŋ. Ŋi tinayayuy Yubulus, Pudens, Linus, Klodia eru maŋkekerisie ogopunoŋuy sosowo yoŋoji momojoyayuy miku ruabi goreo foga.

<sup>22</sup>O Timoti, Ofonji qoqotigo mifiagaru goke dimaine.

Anature yayumoriŋi ŋoŋoke peine. Oŋu.

<sup>h</sup> 4.9-10 Kol 4.14; Flm 24; 2 Kor 8.23; Gal 2.3; Tai 1.4 <sup>i</sup> 4.11 Kol 4.14; Flm 24; Apo 12.12, 25; 13.13; 15.37-39; Kol 4.10 <sup>j</sup> 4.12 Apo 20.4; Ef 6.21-22; Kol 4.7-8

<sup>k</sup> 4.13 Apo 20.6 <sup>l</sup> 4.14 1 Tim 1.20; Kiki 62.12; Rom 2.6 <sup>m</sup> 4.19 Apo 18.2; 2 Tim 1.16-17

<sup>n</sup> 4.20 Apo 19.22; Rom 16.23; Apo 20.4; 21.29